



17825

kal komp.

I Mag. St. Dr.

P

Rozdrażewski Christoph. Alex: Plausus  
Sarmaticus in adventu Cracoviam  
Jerenius. Renatae Lucilias etc

PANEG. et VITAE

Polon. 4<sup>o</sup>.N<sup>o</sup>. 78.



Biblioteka Jagiellońska



stdr0004737





PLAVSVS  
SARMATICVS:

IN ADVENTV CRAC:

Serenissimæ Principi & Dñæ,  
D. RENATÆ CÆCILIE,  
Dei Gr: Archiducissæ Austriæ,  
Ducissæ Burgundiæ, Styriæ, Carynthiæ,  
Carniolæ, Vittembergæ,  
COMITISSÆ TYROLIS.

*Serenissimi & Potentissimi Regis Polo-  
niæ & Sueciæ. &c. &c.*

D. VLADISLAI IV.  
S P O N S Æ.

*Debitâ & officiosâ veneratione*

O B L A T V S.

Per Nobilem CHRISTOPHORVM ALEXANDRVN ROZ-  
DRAZEWSKI, Comitem in Rozdrazow: intercæ Philosophiæ,  
& Eloquentiæ in Academia Craconiensi, Studiosum.



IN ADVENT CRAC.

D. RENATA CACILLE

Urbis in quibusdam, Carthago

Correspondence, Vintnerberg, 1811

1782

10. V. J. A. D. I. S. L. A. I. V.



*Illustri & Magnifico Domino.*

D. IACOBO SOBIESKI,

Supremo Regni Pocillatori:

Crasnostauicē, Iauorouiensi. &c. &c.

CAPITANE O.

D. Colendissimo.

ILLVSTRIS & MAGNIFICE D.



*P* Rimum iuuenilis experimentum  
eloquentiæ in Nobili iuvene Dño  
CHRISTOPHORO ROZDRA  
ZEWSKI, nepote Illustris D. V.  
ex Sorore, eidem tanquam eius Auunculo, &  
tutori legitimo, atque studiorum prudentissimo  
arbitro, offero. Existimauit magnâ indole Il-  
lustris Iuuenis, ad recentem gloriam, & conse-  
quentes in Repub. dignitates, sibi profuturum,  
magnoperè, si inter officiosas Serenissimæ Regi-  
nali Maiestati plurimorum gratulationes, etiã  
ipse, quantumcunque posset ingenio suo, compa-  
reret.



reret. Scio longè inferiorem S. R. M. & vestra  
in dicendo sublimitati, dictionem: Sed nec diser-  
tissimis quibusque contigit, ut cum omnia dixe-  
rint, partem ullam tantæ M. attingerent me-  
ritorum. Aut quia etiam magnos olim Ora-  
tores, priusquam robur illud dicendi per æta-  
tem quæsisset, necesse erat vagitum edidisse in-  
fantilem. Modicum erit apud Te Illustris D.  
quem eloquentiæ incensata fama, per uniuersum  
Regnum ad omnium extulit admirationem; sed  
tamen non paruum ab eo luene, cui Tu unus  
propè & solus exemplar ad Rempub. bene in-  
grediendam, & quasi alter pater, tutelâ, affi-  
nitate, & cognationis caritate sis relictus. Iste  
parentum affectus est, ut balbutientem etiam,  
priusquam maturescant, filiorum suorum au-  
scultent libenter sermonem, neque eorum infir-  
mitatem, ex suâ gravitate & autoritate metian-  
tur. Est quod amet in nepotibus suis Illustris  
D. V. D. D. CHRISTOPHORO & IACO-  
BO ROZDRAZEVIIS; magna morum &  
ingenij in utroque elegantia, & sufficiens pro  
ætate



etate in politioribus & grauioribus studiis pro-  
fectus. Eà sunt in Academià modestià & mo-  
rum comitate, ut nemo eos (ad quem non perti-  
neat) adesse in urbe arbitretur; ita rursum do-  
cilitate, & intelligendi præstant capacitate, ut  
omnibus ad quos res eiusmodi pertineat, ad glo-  
riam & profectum præire censeantur. Ha-  
bebunt quod imitentur Illustres nati M. D. V.  
D. MARCVS & D. IOANNES SOBIESCI,   
columina familiæ suæ, hæredes non, solum fa-  
cultatum, sed etiam virtutum paternarum:  
quorum alter, cælesti prouidentiâ, ancipite &  
deplorato releuatus morbo, ut esset qui non so-  
lùm vultu, sed etiam præclarissimis in Republ.  
meritis Inclytum D. Parentem suum, publico  
bono natum, olim in se repræsentet: habebunt,  
inquam, quod imitentur, cùm in Patre suo Il-  
lustri, & de patria meritissimo, tum in fratri-  
bus ad spem & commoda Reipub. maturescen-  
tibus gloriosè. Quibus felices annos, & virtu-  
tum istarum, quæ in tenellâ etate, quasi in her-  
ba pulcherrimè se expromunt, fructuosam in  
Repub.

*Repub. maturitatem, magnâ Academicæ & Re-  
ipubl. expectatione, ex animo voueo & opto.*

*Illustri D. U.*

*deditissimus*

*JACOBVS VITELLIVS in  
Acad: Crac. Tylicianus Eloqu.  
Profess. Canonicus Ecclesiæ  
S. Annæ.*



PLAVSVS  
SARMATICVS.



D publicam felicitatem, quâ,  
pace florente, abundè per-  
fruimur, noua accessit hila-  
ritas, dum Augustissimam Se-  
renissimæ Reginalis Maïesta-  
tis præsentiam, Regni spem & Imperij  
Romani decus, intra Polonię Metropolim  
cōspicamur. Gratus est nobis Tantæ Ma-  
iestatis aduentus, & eò gratior, quòd nō  
solum Sponsam Serenissimi Regis aduer-  
timus; sed etiam tantorum Imperatorum,  
quos fama, rebus pro Imperio clarissimè  
gestis, vltra cælos etiam extulit; qui se in-  
numeris pro Patria & Religione periculis  
deuouissent, eorum sanctissimam propa-  
ginem



ginem intra mœnia Urbis istius videmus.  
Cuius ut ne prolixam maiorum profapi-  
am retexam, satis laudis habet, quod sit  
Cæsaris Filia, & eius Cæsaris, qui Reli-  
giosus in Deum, pius in Patriam, in subdi-  
tos benignus, in vicinos comis habitus est  
semper; qui non solum veterem Domus  
Austriacæ famam gloriose retinuit, sed  
etiam amplissime auxit. Quapropter quò  
plus in nos ornamentum, plus utilitatis ex  
hoc memorabili coniugio derivatum iri  
speramus, eò alacriores ad Serenissimam  
Reginalem Maiestatem accedimus salu-  
tandam. Dum enim videmus Cæsaris Fi-  
liam, venit nobis in mentem amplitudo  
Romani Imperij, quod licet certis est de-  
finitum dominandi limitibus, attamen fa-  
ma eius nullis terminanda orbis terminis;  
quin amplius, quam sol diffunditur pro-  
paganda. Ex hac enim prodire multi  
Duces fortissimi, sapientiâ & clementiâ  
laudatiss-



laudatissimi Principes, propugnatores libertatis Christianæ, iusti & æqui custodes. Exijt & illud propugnaculum contra Hæresim, robur Christianitatis, Religiosissimus Romanorū Imperator, FERDINANDVS II. Parens patriæ, & simul parens Serenissimæ Reginalis Maiestatis gloriosissimus. Cuius dum factorum meminimus, nostræ simul propter hoc auspiciatum connubium, felicitati gratulamur. Ab eodē enim germine, à quo & libertas; ab eodem, à quo & vera Religio, emanauit. Neque hic finis nostræ lætitiæ; non solum enim Filia Cæsaris est, sed etiam Sponsa Serenissimi Regis nostri, Regni spes, quam talem arbitramur progeniem parituram, qualis ex eâ Domo, totius orbis propugnaculo fortissimo, nascitur clarissima. Et tametsi nō est recens hæc nobis cum Serenissimâ Domo Austriacâ necessitudo, tamen hoc sacratissimū cōnubium,

B



bium, veteris illius necessitudinis est ar-  
ctius firmamentum. Futurum enim est,  
vt hæc tam ampla, tam florentia Imperia,  
vigeant diutissimè, cùm neminè tam au-  
dacem hostem, tam perditum aduersari-  
um, tam sceleratum Regnorum cuerforè  
fore crediderim, qui non metuat vires  
Regum potentissimorū fæderatas. Vnde  
ad cōmunem non incurret quisquam of-  
fensionem, ex quâ sibi non paruum expe-  
ctandum sit periculum. Quocircà cùm  
magnum sit novos hospites, in vrbe Re-  
gni Principe, gratulationibus excipi pu-  
blicis; tamen supra modum eximium est  
& insigne, Filiam Cæsaris victoriosissimi,  
tot Cæsarum Neptē & propaginem san-  
ctissimam saluari, at maximum ex aduē-  
tu Serenissimæ Sponsæ Regis, animo ge-  
stire. Ad cuius Maiestatem honorificè or-  
nandam, dum breuiter, pro officio meo,  
non pro eius Maiestatis amplitudine, dix-  
ero; obse-

ro; obsecro, vt in dicēdo mediocritatem,  
officio potius & fidelitate meâ, quàm suę  
Maiestatis amplitudine metiatur. Neque  
enim ad eius Maiestatem satis pro merito  
decorandam, accōmodatus est mihi ser-  
mo, neque vis dicendi cum tanti Imperij  
amplitudine comparanda.

Plurima equidem reperiuntur, quæ be-  
atitudinem ciuibus, felicitatem Rebus-  
pub. conferunt abundè, Serenissima Re-  
ginalis Maiestas. Etenim propugnacula  
fortia, mænia inuicta, robur militare, sunt  
certissima ciuitatis salus & florens beati-  
tudo. Verùm cum inde alia segnes ciues,  
alia faciant iniuriosos; hanc solum bea-  
tam & felicem Rempubl. crediderim,  
in quâ, amore & necessitudine coniu-  
cti ciues, arctissimo inter se amicitia ne-  
xu sociantur. Difficile enim est amore  
deuinctos rumpere; amicitia iunctos, ar-  
mis opprimere; beneuolentiâ sociatos vin-  
cere,



cere, quibus magis amor quàm iniuria,  
necessitatem præliandi imponit. Vnde ij  
qui alienorum bonorum sunt pestis & vo-  
rugo perniciosa, qui inhiant libertati po-  
pulorum opprimendæ, occasionem ta-  
lem aucupantur, vt simul, atque aliquan-  
tisper dispiciant ciues, vel potius mutu-  
is inter se permisceantur odijs, intereà  
Rempub. opprimant, & improbam libe-  
ris inferant feruitutem. Hæc si in ciui-  
bus plurimum valent, quantò magis va-  
litura sunt vbi non vnus Reipub. ciues,  
sed multorum Regnorum, Prouinciarum,  
Nationum, ad inuicem sociantur, vbi in  
pluribus mutuus amor adco suas radices  
agit, vt quos limites disiungunt, hos ille  
vinciat, & qui discrepant linguâ, animo  
sint eodem. Proindè tametsi Regnū no-  
strum famâ præstantissimis quibusq; po-  
pulis æquale, cum Sacratissima Domo  
Austriacâ Regum & Principum Christi-  
anorum

anorum domicilio, arctissimè semper &  
concorditer vixit, non tantum vicinita-  
tis iure proximo, sed etiam tenacissimis  
amicitiæ vinculis nexum & colligatum,  
tamen nunc maiore quadam necessitudi-  
ne vincendum, vbi Rex noster Clemen-  
tissimus Serenissimam Reginalem Maie-  
statem Vestram de Domo Austriacâ in  
Sponsam sumit, quæ famâ maioribus Il-  
lustri, clarissimâ Domo, gloriosâ parente,  
nunc lucem Orbis Sarmatici iucundè a-  
spexisti. Utque cætera membra ad capi-  
tis, tanquam præstantioris membri con-  
seruatur incolumitatem, ita futurum est,  
vt Regnum nostrum eiusque præstantissi-  
ma membra, à Domo Austriacâ omnem  
cum Reginali Maiestate expectent inco-  
lunitatem & felicitatem: Matrimonia  
enim sunt eiusmodi, vt etiam plerumque  
dissentientes animos vniant atq; confoci-  
ent. Nullus est tam ferox, nullus tam a-  
micitiæ



micitiæ aduersus hostis, qui sanguinis iu-  
ra aspernetur & contemnat. Sit quam-  
uis ille importunissimus & fugitans homi-  
num societate, improbus aliquis sicarius,  
vel omnium bonorū acerbis aduersarius;  
nemo tamen erit ita profligatus, & ab om-  
ni humanitate alienus, qui suæ omnino ex  
animo aboleat propinquitatis caritatem.  
Quod si hæc matrimonia faciant in ijs, qui  
omni vitâ & vitæ ratione secum pugnant;  
quid hoc celeberrimum coniugium, in  
quo Serenissimi Sponsi, pari incedunt fa-  
mâ, effecturum arbitramini? Ille Rex no-  
ster, omnium gentium, omnium sæculo-  
rum, omnis, memoriæ facile Princeps;  
Hæc decus Austriæ, Germaniæ gemma,  
Sacratissimi Imperatoris Filia felicissima:  
Quid, inquam, futurum arbitramini inter  
nos & totam Austriam, qui non solum  
nunc ad mutuam amicitiam excitamur,  
sed diu florentem, nunc promouemus?  
Non

Non exiguam in nobis beneuolentiam  
succrescere erit necesse, vbi hæc sanctis-  
simi vincula connubij, non aliquos de in-  
ferioribus, sed ipsos Principes famâ & de-  
core eximios nectunt. Profectò augebi-  
tur in nobis charitas; mutua officia studio  
promouebuntur maiori, contra hostem  
nos eodem animo, ijsdem armabunt ar-  
mis. Non secunda fortuna ita erit grata,  
non aduersa ita acerba, ad quam aut per-  
fruemdam, aut tolerandam potentissima  
duo Regna non inuitentur. Gratulor tibi  
Celeberrima Austriaca Domus, quòd ad  
maximum tuarum laudum cumulum, id  
etiam accesserit, vt omnibus prædican-  
dam monumentis, omni memorandam  
posteritati, in oram Poloniae (famâ & re-  
bus gestis insignē) Tuam transmittas pro-  
paginem, quæ non solum toti Germaniæ,  
sed Orbi ferè præsidet vniuerso. Et licet  
exinde non nimis veteri memoriâ habue-  
rit dupli-



rit duplicem Polonia gemmam, Serenissimas Reginas pie defunctas, tamen quò plus sanguinis Tui in Polonia, eò plus amoris. Cum enim interea hoc pignus tuum videt, tanto in maiorem prorumpit lætitiā, quantò plura amoris à te indicia accepit. Gratulor & Tibi Polonia, quæ nulli populo rebus gestis cedis, quòd Domus Austriacæ, Regum matris & fortium Imperatorum altricis, sobolem sinu tuo es complexa. Non silendum coniugium, in quo sanguinis nexus Principum, signum amoris populorum. Trepident barbari, metuant rebelles, timeant fœdifragi, dum vident tantos populos, tam potentes, beneuolentiā socios, amore propè fraterno esse. Et tametsi viribus nostris magis hactenus, quàm alienis subsidij niteremur, tamen & hæc accessio Imperij Christiani, magnâ ex parte nos feliciores, & contra hostem animosiores efficiet, hostibus verà plu-

verò plurimùm adimet animi. Cùm enim non solum Amplitudinem Romani Imperij, sed etiam vim ac potentiam nostrer inspiciet hostis, quòd efferatā & vefanam tam rebellium, quàm fēderatorum suorum improbitatem hucusq; sustinuerit, concidet animo; nos verò gestiemus lætitiâ. Quod si nos aliquando aduersitate hostili & acerbioribus bellorum iniurijs contingat vexari, socialia subsidia inde parari posse; præsertim nunc dominante & rerū potente Sacratissimo Cæsare, Serenissimæ Sponsæ Fratre. Qui eâ est felicitate in primo Imperij aditu, vt bellum tam inueteratum, tam diuturnū, quod distractis animis, infensis studijs, magnâ Christianitatis perturbatione, maximâ etiam quorumuis præstantissimorum nece, clade Prouinciarum & vrbium vastitate, tot annis gestum est, compescat. Ille etenim tam inuale-

C                      scentem



fecentem flammam, propè iam, prudenti  
cōsilio, extinxit ac sedauit; & quos fortu-  
na incolumes esse voluit, eos vt Sacratissi-  
ma presens Cæsarea Maiestas moderatè ac  
pacatissimè regat, atq; in pristinam resti-  
tuat dignitatem, magnoperè meditatur.  
Non progenerant degenerem aquilæ co-  
lumbam; tanti sanguinis, tam victricis  
Domus, Regno nostro propaginem fore  
salutarem, nemini dubitandū. Vbi Spon-  
sus genere & virtute præstans, Rex noster  
Inuictissimus, Sponsa verò tam rebus ge-  
stis maiorum suorum, quàm natalibus Au-  
gusta Princeps de Austria. Ille quātus sit,  
quotidianâ experienciâ docemur; hæc  
quanta, ex maioribus eius atque celebri-  
tate Domus planè colligimus. Ille gloriâ  
bellicâ famam Poloniæ & retinuit & au-  
xit; hæc etiam Domus suæ præstantiam  
omni decentiâ Heroicâ cohonestauit. Il-  
le clarum genus de stirpe Iagellonis & cæ-  
terorum.

terorum Regum fortium ducit; hæc Cæ-  
saris Filia, Cæsaris Neptis, quam dignitas  
cum Heroicis natalibus illustrarunt. Ex  
his igitur Parentibus, quam Sobolem ha-  
bituri simus, quam toti Regno optandam,  
apertum est. Nam ut virtus vitium non  
progenerat, ita omni probatione certius  
est, ex Regum sanctissimâ stirpe, non nisi  
communi bono utilissimam prolem pro-  
ficisci. Adolefcet fœcunda proles in spem  
Patriæ, succrescet in Heroicas Patris sui  
virtutes, quibus ad Regnum, tanquam qui-  
busdam gradibus, euehetur. Licet si enim  
apud nos plerumq, non tam ipsi successi-  
oni hæreditariæ, Regnum debeatur, attamen  
cum sanguine Regio iunctæ virtuti  
debetur. Vbi etenim posteri tui Serenif-  
sima Reginalis Maiestas, præclarè factis  
meruerint, & amorem in Patriam, pieta-  
tem in ciues declarauerint, publicis & li-  
beris omnium suffragijs, erunt ad Impe-  
rium pro-



rium promouendi. Ita Sponsus tuus Serenissimus Rex noster ad honoris in Regno prouectus sublimitatem fortuna comite, virtute duce. A quo enim bello, quod frequens cum hostibus nobis infensis esse solet, aut vigilantia, aut fortitudo eius Maiestatis desiderata sunt? à quibus Comitibus eius vnquam defuit consilium? vbiq; vel bello insignis, vel consilio prudens, pro bono Patriæ fortiter dimicauit. Tu quoq; Serenissima Regina, clara stirpe, clarior virtute, Poloniam non solum ob tam præstans coniugium ingressa es, in quâ cum Sponso Tuo, Serenissimo Rege nostro, felix ac beata vt viuas, sed etiã, vt hoc venerando sanguinis nexu, Reipub. incõmoda, atq; cõmune discrimen, orbitatẽ, inquam, Principum à nobis amoliaris, optamus. Ex hac enim dissensiones ciuiles oriuntur, ambitiosis occasio ad appetenda Regni gubernacula offertur; hostibus

stibus ad arma inferenda cōmodum tempus est, deniq; omnibus nefarijs, vt, quicquid dudum contra communem libertatem intra se molirentur, exerant in Rempub. opportunitas conceditur. Quilibet enim (qui cupiditate æstuat dominandi) iactat se dignum esse; alter alteri cedit nequaquā; omnes dominari cupiunt, nemo subesse vult, dum non vident eum, quē sanguis Regius, nec minùs cum sanguine à maioribus deductæ virtutes commendent, quem natura animosum, fortem, Imperio aptum creauerit, & Regijs gubernaculis, ( vt ita dicam ) destinauerit. Sensit Regnum nostrum quā esset orbitatis Principū misera acerbitas, dum Casimirus vltimus de posteritate Piaſti, fatis cōcessisset. Cū enim, vt fas erat, Principi meritissimo honorificè ab Ordinibus vniuersis, in Cracou: Basilicā persolueretur iusta funebria, populus vehemētissimè  
C 3 luxit,



luxit, quòd ad exteros Principes, deficientem stirpe Piaſti, Regnum eſſet deferendum. Nemo erat qui interea temporis non ingemiſceret, nemo qui non tangeretur vehementi dolore, eodem tumultu corpus fortitudine bellicâ clariffimi Regis, & tam celebrem Domum, Regni Poloniae Dominatricem, conſepultam eſſe ac penè obrutam; eodem impetu & Regem & Regnum fermè totum concidiſſe. Quod ſi populolis Regnis, florentiſſimis Imperijs, tanta eſt ab orbitate Regū formido, atque ſolitudo; eò maiore ſuſtentamur ſpe, in Sereniſſimæ Veſtræ Reginalis Maieſtatis aduentu, ſalutares olim Regno Principes ex hoc Sacratiffimo cōnubio dandos, atque vetuſtam Reipub. & Ciuium calamitatem aliquando releuandam. Reditura nobis cū S. Reginali Veſtrâ Maieſtate, omnia bona, & florentem Patriæ fortunam reſtituēdam. Cuius felicitati

licitati & amplitudini dum Regalē Thro-  
num diuturnum cōprecamur; tum eius  
salutaribus præfidijs & gratiæ Regali, non  
solū præsentia nostra officia, sed con-  
sequentis ætatis successus, fideliter  
deuouemus.

D I X I.



C R A C O V I Æ,

In Officina Typ. Matthiæ Andreouien.

Anno Dñi M. DC. XXXVII.



Itaque & amplius in dno Regio Tiro-  
rum auctoritate & potestate, cum eis  
liberis & iustis & gratie Regali, non  
solum presentis nostra officii con-  
sequenter in locis & personis  
debetur.

D I X I

BIBLIOTH. UNIV.



BASELONIAE

GRACIA

In Officio Typo Machinae & Typographiae  
Apposita M. DC. XXXVII

34. 10. 115.





